



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj: 2/19 i 7/21), tačke 9. Programa utroška sredstava iz Budžeta Grada Tuzle za 2021. godinu namijenjenih za podršku privatnim preduzećima i poduzetnicima po Projektu „Siguran start“, broj: 04-11-10240-2021, od 19.07.2021. godine, Služba za ekonomski razvoj, poduzetništvo i poljoprivredu Grada Tuzla, **dana 22.07.2021. godine**, objavljuje:

JAVNI POZIV

za učešće u programu raspodjele sredstava iz Budžeta Grada Tuzle za 2021. godinu namijenjenih za podršku privatnim preduzećima i poduzetnicima po Projektu: “Siguran start”

I Predmet Javnog poziva

Ovim Javnim pozivom prikupljaju se aplikacije (prijave) samostalnih djelatnosti registrovanih kod nadležnog organa Grada Tuzle u osnovnom zanimanju i registrovanih privrednih društava, koji obavljaju djelatnost na području grada Tuzle.

Putem ovog Javnog poziva, po Projektu „Siguran start“, otvorene su dvije linije podrške i to:

LOT 1 - Podrška za samostalne djelatnosti u osnovnom zanimanju i privredna društva, registrovane u tekućoj 2021. godini,

LOT 2 - Podrška za samostalne djelatnosti u osnovnom zanimanju i privredna društva, registrovane u 2020. godini.

II Iznos novčane podrške

Za raspodjelu putem ovog Javnog poziva raspoloživa su sredstva u ukupnom iznosu od 170.000,00 KM, od kojeg iznosa, u okviru:

LOT 1 – za raspodjelu samostalnim djelatnostima u osnovnom zanimanju i privrednim društvima, registrovanim u tekućoj 2021. godini, raspoloživa su sredstva u iznosu od 90.000,00 KM,

LOT 2 – za raspodjelu samostalnim, djelatnostima u osnovnom zanimanju i privrednim društvima, registrovanim u 2020. godini, raspoloživa su sredstva u iznosu od 80.000,00 KM.

Sredstva iz prethodnog stava dodijelit će se korisnicima na ime sljedećih oblika podrške:

LOT 1 – Oblici podrške na koje se mogu prijaviti firme registrovane u 2021. godini:

- a) refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika novoregistrovane firme u 2021. godini, za period od registracije firme pa do 31.12.2021. godine, a najviše do 2.000,00 KM.
- b) sufinansiranje nabavke neophodne opreme i sredstava za rad registrovanog subjekta, u visini do 49% vrijednosti nabavljene opreme, a najviše do 2.000,00 KM (oprema mora biti nova, odnosno neupotrebljavana),
- c) sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za period do 31.12.2021. godine, a najviše do 2.000,00 KM,
- d) sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za period do 31.12.2021. godine, a najviše do 2.000,00 KM.

Napomena: Zainteresirani aplikanti koji se mogu prijaviti na LOT 1, mogu ostvariti pravo na samo jedan od prethodno navedenih oblika podrške u okviru LOT 1 (a,b,c ili d).

LOT 2 – Oblici podrške na koje se mogu prijaviti firme registrovane u 2020. godini:

- a) refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika firme registrovane u 2020. godini, za obaveze iz 2021. godine, a najviše do 1.000,00 KM.
- b) sufinansiranje nabavke neophodne opreme i sredstava za rad subjekta, u visini do 49% vrijednosti nabavljene opreme, a najviše do 1.000,00 KM (oprema mora biti nova, odnosno neupotrebljavana i nabavljena u 2021. godini),
- c) sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za obaveze u tekućoj 2021. godini, pa do 31.12.2021. godine, u iznosu do 1.000,00 KM,
- d) sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za obaveze u 2021. godini, pa do 31.12.2021. godine, u iznosu do 1.000,00 KM.

Napomena: Zainteresirani aplikanti koji se mogu prijaviti na LOT 2, mogu ostvariti pravo na samo jedan od prethodno navedenih oblika podrške u okviru LOT 2 (a,b,c ili d).

Napomena: Zainteresirani aplikanti mogu se prijaviti za samo jednu liniju podrške, ili za LOT 1 ili za LOT 2.

III Pravo učešća

Pravo učešća u ovom Javnom pozivu za dodjelu sredstava na ime novčane podrške privatnim preduzećima i poduzetnicima, po Projektu “Siguran start”, imaju samostalne djelatnosti u osnovnom zanimanju i privredna društva u privatnom vlasništvu, kako slijedi:

1. koji su registrovali poslovnu djelatnost na području grada Tuzle u 2021. godini

- (novoregistrovani subjekti), ili
2. koji su registrovali poslovnu djelatnost na području grada Tuzle u 2020. godini.

Aplikanti će biti isključeni iz učešća u ovom Javnom pozivu ili iz dodjeljivanja sredstava na ime novčane podrške, ako su u trenutku raspisivanja ovog Javnog poziva:

- a) krivi za davanje lažnih informacija u prijavnom obrascu, koje su preduslov za učestvovanje u pozivu za novčanu podršku ili ako nisu dostavili potrebne informacije,
- b) ukoliko su u prethodne tri godine imali registrovanu djelatnost ili privredno društvo na području grada Tuzle,
- c) ukoliko nisu uredno ispunili obaveze iz prethodno sklopljenih ugovora o odobravanju novčane podrške iz sredstava Budžeta Grada Tuzle.

Za dodjelu novčane podrške putem ovog Javnog poziva ne mogu aplicirati subjekti koji imaju status javne ustanove ili javnog preduzeća, neprofitne organizacije ili drugi subjekti u vlasništvu bilo kojeg nivoa vlasti u Bosni i Hercegovini.

IV Način prijavljivanja

Prijave na Javni poziv podnose se na prijavnom obrascu kojeg je propisala Služba za ekonomski razvoj, poduzetništvo i poljoprivredu Grada Tuzle.

Prijavni obrazac sa izjavom može se preuzeti na službenoj internet stranici Grada Tuzle (www.grad.tuzla.ba) kao i u Centru za pružanje usluga građanima (Pisarnica Grada Tuzle).

Uz popunjen Prijavni obrazac, aplikant je obavezan dostaviti sljedeću dokumentaciju:

1. dokaz o registraciji samostalne djelatnosti ili privrednog društva na području grada Tuzle (kopija rješenja Službe za ekonomski razvoj, poduzetništvo i poljoprivredu za samostalne djelatnosti, a za privredna društva kopija rješenja o upisu u sudski registar),
2. obavijest o razvrstavanju prema djelatnosti, izdata od Zavoda za statistiku (kopija),
3. dokaz o otvorenom računu u poslovnoj banci na koji će sredstva biti uplaćena (kopija),
4. karton deponovanih potpisa osoba ovlaštenih za zastupanje (kopija),
5. uvjerenje nadležne Porezne uprave Tuzla o izmirenim dospelim poreznim obavezama kao i izmirenim obavezama po osnovu PIO/MIO, da nije starije od 30 dana od dana podnošenja prijave na ovaj Javni poziv (original ili ovjerena kopija), osim privrednih subjekata koji su prijavili početak rada kod nadležne Porezne uprave Tuzla 30 dana prije objave Javnog poziva,
6. uvjerenje o urednom izmirenju indirektnih poreza, izdato od Uprave za indirektno oporezivanje, ukoliko je prijavljeni učesnik obveznik plaćanja PDV-a, a za prijavljene učesnike koji nisu u sistemu PDV-a, dostavlja se uvjerenje Uprave za indirektno oporezivanje da nisu u sistemu PDV-a, da nisu starija od 30 dana od dana podnošenja prijave na javni poziv (original ili ovjerena kopija),
7. izjava fizičkog lica, vlasnika samostalne djelatnosti, odnosno izjava odgovornog lica u pravnom licu, ovjerena u Centru za pružanje usluga građanima (Pisarnica Grada Tuzle) ili u nadležnom notarskom uredu, kojom će se potvrditi:

- da nije osuđivan i da se ne vodi krivični postupak po osnovu privrednog kriminala fizičkog lica-vlasnika samostalne djelatnosti, odnosno odgovornog lica u pravnom licu,
 - u slučaju novoosnovanih subjekata u 2021. godini, da nisu u prethodne tri godine imali registrovanu djelatnost ili privredno društvo na području grada Tuzle,
 - da će sredstva utrošiti za namjenu za koju će biti odobrena sredstva,
 - da je saglasan da u slučaju nepoštivanja odredbi Pravilnika i programa utroška sredstava, u narednih pet godina neće moći sudjelovati u bilo kom programu podrške privrednim subjektima, koji se podržava iz budžeta Grada Tuzle.
- (Obrazac Izjave iz podtačke 7. ovog Javnog poziva je sastavni dio i prilog je naprijed pomenutom Prijavnom obrascu),

V Provjera aplikacija (prijava)

Postupak dodjele sredstava za novčanu podršku privatnim preduzećima i poduzetnicima iz ovog Javnog poziva provodi Komisija za ocjenu prijava, koja po okončanju prijema prijava, utvrđuje formalnu ispravnost zaprimljenih prijava i ispunjavanje uslova za svaki LOT posebno, o čemu sačinjava zapisnik i listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa iznosom dodijeljenih sredstava, kao i subjekte koji nisu ispunili uslove javnog poziva sa naznakom koji uslov nije ispunjen. Lista o odabiru korisnika se objavljuje na službenoj internet stranici Grada Tuzle (www.grad.tuzla.ba) i na oglasnoj ploči Grada Tuzle.

Komisija zadržava pravo da, u postupku odlučivanja, od aplikanata traži dodatna pojašnjenja u vezi aplikacije, kao i da izvrši kontrolu na licu mjesta.

Po okončanju provjere ispravnosti i ispunjavanja uslova zaprimljenih prijava Komisija će sačiniti listu odabranih korisnika, te predložiti iznos novčane podrške po korisniku za svaki LOT pojedinačno.

Ukoliko ukupan iznos odobrene podrške u okviru svakog LOT-a predviđenog ovim Javnim pozivom bude veći od iznosa raspoloživih sredstava za raspodjelu u okviru tog LOT-a, Komisija će izvršiti proporcionalno smanjenje odobrene pojedinačne podrške po korisniku, kako bi se uskladio ukupan iznos odobrene novčane podrške sa iznosom raspoloživih sredstava za raspodjelu u okviru tog LOT-a.

Detaljni uslovi korištenja sredstava na ime dodijeljene novčane podrške regulisat će se ugovorom koji u ime Grada Tuzle sa odabranim korisnicima zaključuje Služba za ekonomski razvoj, poduzetništvo i poljoprivredu.

VI Trajanje javnog poziva i podnošenje aplikacija (prijava)

Javni poziv je otvoren 30 dana od dana objave, a zadnji rok za predaju prijave je 23.08.2021. godine.

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnica Grada Tuzle) ili preporučeno poštom na adresu:

GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla

sa naznakom:

Prijava za učešće u Programu raspodjele sredstava iz Budžeta Grada Tuzle za 2021. godinu namijenjenih za podršku privatnim preduzećima i poduzetnicima po Projektu "Siguran start"

- ne otvarati –

NAPOMENA: Na koverti obavezno naznačiti za koju liniju podrške u okviru ovog Javnog poziva se predaje prijava, za LOT 1 ili za LOT 2.

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzle, putem telefona:
035/307-380.